

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst ("Službene novine Zeničko-dobojskog kantona", broj 7/10) i člana 5. stav (1) Uredbe o naknadama i drugim materijalnim pravima koja nemaju karakter plaće („Službene novine Zeničko – dobojskog kantona“, broj: 8/09, 14/13, 2/14, broj: 02-02-2340/14 od 12.02.2014. godine, broj: 02-02-131357/14 od 10.07.2014. godine, broj: 02-02-16871/14 od 28.08.2014. godine, broj: 02-02-19014/14 od 25.09.2014. godine, broj: 02-02-21657/14 od 29.10.2014. godine i broj: 02-02-24028/14 od 04.12.2014. godine), na prijedlog Ministarstva finansija, Vlada Zeničko-dobojskog kantona, na 199. sjednici, održanoj dana 09.01.2015. godine, d o n o s i

ODLUKU

o utvrđivanju visine naknade za topli obrok zaposlenika u kantonalnim organima državne službe i drugim budžetskim korisnicima Zeničko-dobojskog kantona za period januar - mart 2015. godine

Član 1.

(Utvrđivanje visine naknade za topli obrok)

(1) Utvrđuje se visina naknade za topli obrok zaposlenika u kantonalnim organima državne službe i drugim budžetskim korisnicima Zeničko-dobojskog kantona za period januar - mart 2015. godine u iznosi od 8,00 KM (slovima: osam konvertibilnih maraka) po radnom danu.

(2) Službenim osobama Jedinice za podršku Ministarstva unutrašnjih poslova Zeničko-dobojskog kantona, pored naknade za topli obrok iz stava (1) ovog člana, pripada i dodatna naknada za pojačanu ishranu u iznosu od 5,00 KM po radnom danu.

Član 2.

(Izuzete od primjene)

Naknada iz člana 1. stav (1) ove odluke ne odnosi se na sudije, tužioce i stručne saradnike iz člana 4. Zakona o plaćama i drugim naknadama sudija i tužilaca u Federaciji Bosne i Hercegovine („Službene novine Federacije Bosne i Hercegovine“, broj: 72/05, 22/09 i 55/13).

Član 3.

(Realizacija)

Za realizaciju ove odluke zadužuje se Ministarstvo finansija Zeničko-dobojskog kantona.

Član 4.

(Stupanje na snagu i datum primjene)

Odluka stupa na snagu narednog dana od dana objavljivanja u „Službenim novinama Zeničko-dobojskog kantona“, a primjenjuje se od 01.01.2015. godine.

PREMIJER

Broj: 02-_____/15.
Datum, 09.01.2015. godine
Zenica

Munib Husejnagić, dipl.ing.maš.

DOSTAVLJENO:

1x Ministarstvo finansija,
1x Svim ministarstvima i drugim tijelima kantonalne uprave,
1x "Službene novine Zeničko-dobojskog kantona",
1x a/a.